

Nochbarschafts-Hilfe

Mir ware omm umbaue. Unn, wie's frieher so war,
hadd e jeder geholf, de Nochbar sogaa.
Bei drei, vier oder monschmol fünf Monn
is die Aawet flodd vun de Hond donn gong.
Noh ihrer Schischd, unn war's nur fa e Stunn,
honn se sisch all bei uns inngesunn.

Oowend, wenn's dann gehiesch hadd: Genuch fa „heit,“
Unn de Vadda gesahd hadd: „Isch donk eisch, ihr Leit,“
hadd die Mudda se all inngelaad
zu kiehlem Bier, guddem Grumbiersalad,
frische Weck unn Lyoner, nitt gar ze klään.
Jo, das war vielleicht gemiedlich gewään!

Das Johr war heiß, die Sunn hadd gebrennd.
Kiehlschränk hadd ma domols noch nitt gekennd.
Doch mir hann im Keller e Stäändibbe gehadd
mid dem große Deggel vum Inkoehapperad.
Dort hadd die Mudda imma ihr Zeisch ningemach,
so aach de Worschd onn sellischem Dach.

Wie se denne holle wolld, war se schockkierd.
Was war donn mit ihrem Dibbe passiert?
De schwere Deggel war eriwwa geschob
unn vum Boddem hadd se de Worschd uffgehob!
Unn donn hadd se aa noch feschgestelltd,
dass de greeschde Ringel Lyoner fäähld!

In dem Momend heerd se drauß jemonnd sohn:
“Willem, gugg moh do niwwa, uffem Abbelboom.“
All gugge unn halle sisch de Bauch vor Lache.
Was hadd die arm Mudda do solle mache?
Aach sie luud eniwwa, unn was se do sitt
War werklisch kloor, do lachd se halt mit.

Dort owwe uffem Boom sitzt e dicker Mohr,
im Maul de Worschd , der reichd vun Ohr zu Ohr.
Der schwarze Kader duud sisch aach nitt scheniere
mit unserm Lyoner ab ze marschiere.
Humor is, wemma trotzdem lachd.
Die Worschdstigga werre halt klääner gemachd.

Heit war´s Lyonerfeschk halt fa die Katz.
Doch wann´s nomoh passiert, mache ma Rabatz.
Wääschde nämlisch, dass es oft passiert,
dass ääner sei Dier zum Klaue dressierd?
Wem issen iwahaubd das Katzevieh?
Denne nääwedrohn odde dem vis-à-vis ?

Do meld sisch de Nochbar vun owwedrohn :
„Ei jo, donn will isch´s eisch doch sohn.
Das scheene Kadersche , das is mein.
Es hadd de erschde Preis gemach im Vaein.

